



# Junior Kategese Ouerbrief

*Biddende Ouers kweek emosioneel geborge kinders*

## Sondagskoolafsprake

- Januarie - 22, 29
- Februarie - 5, 12, 19, 26
- Maart - 4, 11, 18, 25
- April - 15, 22
- Mei - 6, 13, 20, 27
- Junie - 3, 10, 17
- Julie - 22, 29
- Augustus - 5, 19, 26
- September - 2, 9, 16
- Oktober - 14, 21, 28
- November - 4, 11, 18, 25

### Sleutel:

1. Vetgedrukte datums dui die Gesinne in Harmonie eredienste aan
2. Onderstreepte datums dui die werkswinkels aan

## Gesinne in Harmonie - Ondersteuningsgroep

- 31 Januarie
- 21 Februarie
- 13 Maart
- 10 April
- 15 Mei
- 12 Junie
- 17 Julie
- Augustus - a.g.v. 40-dae reeks word ander reëlings getref
- 25 September
- 30 Oktober - afsluiting

## Sondagskool - hoe werk dit alles?

Liewe Ouers,

As jy hierdie brief ontvang, beteken dit dat jou kind/kinders by ons in die NG Gemeente van Rietfontein-Suid in die Junior Kategese of Kleuterkerk is.

In die omgangstaal praat ons sommer nog van Sondagskool.

Die doel van hierdie brief is om sommer net vir jou te vertel hoe alles by ons werk.

### Sondagskoolafsprake

Die datums op die linkerkant is gelys sodat julle sommer die hele jaar se Sondagskool datums byderhand het.

Daar is nie Sondagskool tydens langnaweke of vakansies nie, maar wel tydens die Nagmaalsdienste.

### Program

08:50 - 10:15

Ons begin Sondae om 08:50 al saamsing in die saal. Om 09:00 begin die eredienste vir al die kinders saam.

Malinda Rademeyer bied 'n diens aan waarin die liturgie gevolg word, maar op die kinders se vlak. Hulle kom dus nie eens agter dat daar 'n

spesifieke patroon is nie.

Daarna verdaag hulle na hul onderskeie klasse waar hulle tot 10:15 gehou mag word.

Die Kategete doen dan 'n spesifieke les met die kinders - ons volg hierdie jaar 'n reeks van **TnT Ministries** in Engeland, nl. **On the Way**, wat spesifiek gerig is op laerskoolonderrig.

Ouers kan kinders van 10:00 af in die saal kom haal, of sodra die kerk uitkom, maar asseblief nie vroeër nie.

### Gesinne in Harmonie

#### Maandelikse nuusblad

Die Bediening vir Diens het in April 2011 met 'n ouerondersteuningsinisiatief begin.

'n Maandelikse nuusbrief waarin allerhande onderwerpe ten opsigte van ouerskap en die Christen se gesinslewe bespreek word, is op ons webblad onder [Die Koffiepot](#) te kry.

Jy kan dit ook direk op jou rekenaar ontvang deur jou epos-besonderhede vir my deur te gee. **Ondersteuningsgroep**

Ons begin nou in ook met 'n ondersteunings-

groep wat deur twee van ons predikante, Ds Leon van Heerden en Ds Leon Tait gelei sal word.

Moenie dit misloop nie, want hier deel ouers al hul vreugdes en vrese van ouerskap in ons moderne wêreld met mekaar.

Bring gerus ook die kinders saam - ons sal sorg dat daar in die saal vir hulle 'n video vertoon word terwyl die grootmense gesels.

Hulle is welkom om sommer hul komberse en kussings saam te bring, sodat dit vir hulle ook lekker is.

### Gesinsdienste

Een eredienste per kwartaal word spesifiek gewy aan ons gesinne.

Die datums is op die linkerkant ook aangedui sodat ouers dit sommer byderhand het.

Op hierdie Sondae is daar nie Sondagskool nie, sodat die kinders en ouers die geleentheid kry om saam as 'n familie die eredienste by te woon.

Doen gerus die moeite om dit by te woon - jy sal nie spyt wees nie!

## Rietfontein-Suid NG Gemeente


### Kontakbesonderhede:

Lita Spreeth  
Taakspan: Kinders

Selfoon: 082 453 8421  
Epos (h): Duimelita@gmail.com  
Epos (w): lspreeth@sars.gov.za

### Gemeente se webadres:

<http://www.rietfontein-suid.ng.org.za/>



Ons gee om!



**Alle kinders  
van 3 jaar  
tot Graad 7  
is welkom!**

## Net 28 uur in 2012!

Normaalweg bestaan 'n jaar uit **365 dae** en **52 weke**.

Dit moet dus beteken dat daar **52 Sondag** in 'n jaar is.

As jy nou na die datums op die eerste bladsy kyk, sal jy sien dat daar, buiten die Gesinne in Harmonie Sondag, slegs **28 dae in 2012 vir Sondagskool** is.

Aangesien die Sondagskool eintlik van 08:50 tot 10:15 is, maar ons nog tyd moet inreken vir administrasie en om almal op hul plekke te kry, beteken dit dat ons as Kategete eintlik **een uur op 'n Sondag** aan ons gemeente se kinders afstaan.

Kom ons maak nou hierdie som:

**1 uur x 28 Sondag = 28 uur in een jaar!**

Ons het dus 28 uur in een jaar om jou kind te leer ken, sy/haar geaardhede op te som, met hul hartseer en hul vreugdes rekening te hou en dan nog ook vir hulle op 'n sinvolle en konstruktiewe manier besig te hou en van God te leer.

Ons fokus by die Sondagskool is daarop om die kinders welkom te laat voel, vir hulle die praktiese toepassing van Bybelse beginsels te leer en uit te bou op dit wat hulle reeds tuis geleer het.

Die belangrikste vir 'n laerskoolkind is om te weet waar hy/sy hoort - dus om 'n Christus-geborgtheid by ons kinders te skep wat hulle voorberei op hul lewe as tieners en later as jong volwassenes.

Hoeveel uur het jy saam met jou kind?

Ons verstaan dat daar 'n groot getal van ons kinders is wat in enkel-ouer-huise grootword en sulke kinders het dus ook minder tyd saam met hul onderskeie ouers.

Boonop moet mens nog die skooltye en buitemuurse bedrywighede ook in aanmerking neem.

Ons as Kategete doen baie moeite om dit vir die kinders so lekker en leerzaam moontlik te maak in die een uur op 'n Sondag.

Maar, ons kan net bou op fundamente wat reeds stewig gelê is.

Ons is daar om julle as ouers te help deur hande te vat in die geestelike onderrig van ons kinders.

Laat ons hierdie jaar dus saamwerk om te bou aan ons gemeente se kinders se Christus-geborgtheid!

## Kom maak kennis!

Hierdie jaar begin die Sondagskool op 22 Januarie en ons kan nie wag om weer die ou gesiggies te sien en met die nuwes kennis te maak nie!

Registrasie sal reeds vanaf 08:30 plaasvind en die vorms daarvoor is op die webblad onder Taakspan vir Kinders beskikbaar, of by ons in die saal.

Ons wil graag die inligting op die vorms hê, sodat ons ook ons kinders se ouers kan kontak in 'n noodgeval en hulle darem ook leer ken.

Kom maak gerus kennis met jou kind se kategete - dis immers die een aan wie jy jou kind vir 'n hele uur op 'n Sondag toevertrou!

Die registrasiegelde is weer net R10, maar dit is 'n vrywillige bydrae en niemand is onder verpligting om dit te betaal nie.

Ons gebruik dit deur die jaar om papier, vetkryt, verf en sulke hulpmiddele aan te koop.

### Kategete vir 2012

Die indeling van die kategete word voorlopig aangedui - dit gebeur soms dat daar van die klasse is waar meer kinders is en dan deel ons dit in twee groepe op.

### Kleuters - (3-4 jaar)

Leoni Gobey  
083 754 9405

### Graad 0 / R

Esté Nieuwenhuis  
072 1294 848

### Graad 1

Nicolette van Heerden  
079 4995 858

### Graad 2

Elbie Ferreira  
073 2814 128  
en

### Charmaine Breedt

083 962 0648

### Graad 3

Talita Fourie  
076 107 9988

### Graad 4

Elma du Plessis  
083 542 1590  
en  
Vonica van Zyl  
078 0499 399

### Graad 5

Lita Spreeth  
082 453 8421

### Graad 6

Charleen Viljoen  
082 3771 379

### Graad 7

Pieter Viljoen  
082 5686 859

Die graad 7-klas bly steeds vir die jaar by ons sodat hulle geleidelik na die Jeug oorgaan. Hulle begin reeds in die laaste kwartaal die aanddienste saam met die Jeug bywoon, maar bly nog tot die afsluiting deel van ons groep.

### Ekstra hulp:

André Rohlandt

### Kinderdiens:

Malinda Rademeyer

Kom maak gerus kennis met jou kind se kategete - of bied selfs aan om een Sondag deel te neem of te kom hand bysit!

**Saam in Sy Diens,  
Lita Spreeth**